

INUIT ATAQATIGIIT

Inatsisartuni



IIA2021/Imm. 12

3. Maj 2021

Agathe Fontain

2022-mi akileraarutitigut ilanngaattissat il.il. imatut annertussusilerneqarnissaannik Inatsisartut aalajangiiffigisassaattut siunnersuut:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasusaa..kr. 5.000 (ukiumut)**
- 4. Killilimmik akileraartussaataasunut ilanngaat.kr. 1.000 (ukiumut)**
- 5. Kommunitut ataatsimut akileraarut.....6%**

(Aningaasaqarnermut Nunamullu Namminermet Naalackersuisoq)

Aningaasarsianit akileraarutit pillugit Inatsisartut inatsisaat naapertorlugu ukiut tamaasa ukiup affaani siullermi inatsisartuni akileraarutitigut ilanngaatitigullu aalajangiiffigineqartartunut Inuit Ataqatigiinnit ima oqaaseqassaagut.

Naalackersuisut siunnersuummi ilanngusaaanni takuneqarsinnaavoq; Inummut ilanngaat 48.000 kr.-mut. Ilangaat aalajangersimasoq akileraarusiinermi ilanngaataasoq 10.000 kr.-mut. Aningaasarsiat B-t akileraaruteqaataasusaaangitsut 5.000 kr.-mut. Sulisartunut killilimmik akileraartussaataasunut ilanngaat aalajangersimasoq 1.000 kr.-mut. Kommunitut ataatsimut akileraarut 6 %-imut.

Ukiuni arlalissuannigortuni atuussimasut nikisinngikkallarlugit atuutseqqikkallarnissaa Naalackersuisut siunnersuutigivaat. Siunnersuullu Inuit Ataqatigiinniik akueralugu kiisalu Aningaasaqarnermut Akileraartarnermullu Ataatsimiisitalimi aappassaaneernejarnissaanut ingerlatinneqartussanngorlugu innersuupparput.

Matumuunalu Kommunitut tusarniaanermi akissut eqqarsaatigalugu, sulianut makkunatut ittunut pitsaasumik paasissutissaateqarluni Inatsisartuni sulinissaq pingaartillugu. Siunissami Kommunit peqataalluarnissaaannik kissaateqarfigaavut. Taakkuummata inuit atungaannut qaninnerpaamik isumalluutigisagut suleqatigilluakkagullu.

Naalackersuisullu akileraartarnermut aqqissuuseqqinniarlutik oqaatigisaannut ima aamma akissuteqassaagut:

Naalackersuisooqatigiit isumaqatigiissutaani Aningaasarsiornikkut akileraartarnikkullu ataqatigiissumik aqqissuuseqqinnissaq, ukiuni qinigaaffinni ukunani ingerlanneqarnissaa aallartisarniarlugu Naalackersuisut nalunaarnerat, Inuit Ataqatigiit Inatsisartuniik nuannaarutigilluinnarparput.

Taamatut nalunaarneq erinisulluta piumassuseqarluarluta pimoorullugulu suleqataaf-
figinissanut qilarnaarpugut.

Aamma suliaasaq aallartisarneqartussa q pitsaasumik suleqatigiinnikkut oqalliseqatigi-
innikkullu, inuiaqatigiinnilu maligassiuilluarluta Inatsisartuni tikilluaqqullugulu ataatsi-
moorfigissagipput kissaatigaarput.

Qujanaq.